

# MAIKA-INNEN A PULO KET WALO A PANAGTAO TI UNITED CHURCH OF CHRIST IN THE PHILIPPINES

## TI GIMONG AGDAYAW ITI DIOS

**PRELUDIO:** (agpasango dagiti agakem ken masindian dagiti candela ti altar, maipasango dagiti simbolo)

**\*\*PANGABLAAW:**

**Pangulo:** Agulimek tayo ket denggen tayo ti ayab iti Apo.

**Gimong:** Kadagiti puso ken panunotmi Apo, agsaoka ket adtoy kami a mangipangag Kenka. Patinayon ken awan patinggana ti pagrukbab ken pagtulnogmi Kenka.

**Pangulo:** Nagasat ti tunggal maysa gapu iti panagayat ken panangidalan ti Apo- INNEM A PULO KET WALO A TAWEN TAYON A KAS UNITED CHURCH OF CHRIST IN THE PHILIPPINES.

**Gimong:** Anian O Apo a nagimnas ti ayatmo, ta uray no adun dagiti pannubok ti inkam linasat, pannakadayyeg ken pannakagungon nagtalinaedkami a natibker kas Iglesiam.

**Amin:** Isublimi ngarud amin a tan-ok, dayaw, panagrukbab ken panagyaman kenka, O Dios nga Apomi... Amen!

**Amin:** (makanta) **Praise the Lord (2X)**

**Let the earth hear his voice**

**Praise the Lord (2X)**

**Let the people rejoice**

**O come to the Father through Jesus the Son**

**And give him the glory great things he has done.**

**\*\*\*AYAB TI PANAGDAYAW:**

**Pangulo:** Agnanayon ken Managayat a Dios, iyebkasmi iti nabuslon a panagyamanmi Kenka iti amin a gundaway ken tawen ti panagdayaw ken panagserbi.

**Gimong:** Ti graciam ti mangan-anay kadakami nga annakmo, naipannayag wenno naipangarangang ti aatmo kadakami babaen ken Jesu Cristo, ti sagut mo kadakami babaen iti Espiritu Santo kenti itunda a ragsak ken rag-o iti pannakaisalakan.

**Pangulo:** Iyebkasmi ti panagyamanmi Kenka O Dios kadagiti amin a tattao isu nga inaramatmo tapno maipasdek iti Iglesia - ti sibubukel nga United Church of Christ in the Philippines agyamankami kadagiti sagutmo kadakuada a kinasirib, dagiti pammatida, dagiti abilidadda ken dagiti nasged a sirmata.

**Gimong:** Kadagiti tunggal naayat ken managsakripisyo a tattao, kadagiti amin a papangulo manipud Obispo, Papastor ken Layko a nangibuyat kadagiti tiempo, talento ken sanikua: Kenka iyawatmi ti panagyamanmi.

**Amin:** Kas agselebrarkami iti maika innem a pulo ket walo a tawenmi kas United Church of Christ in the Philippines, agyamankami iti kinamanagayat ken kinamanangngasim O Dios, isu a nangsustentar iti tunggal maysa, kas sibibiag a pamilyam ken kas komunidad dagiti namati. Itedmi O Dios ti amin a dayaw ken Gloria, Amen!

**\*\* KANTA TI PANAGDAYAW: "Himno ti Pammati"**

Ti Namarsua ken Mangisalakan, ken ti nangipaay panagbiag  
Amin naparsus inda agrukbab ken agtulnog iti Dios Apo  
Ti Apo immay nakipagbiag kadatay ken ti Espiritu inaldaw  
Pabilgennanayon iti pammati, Ti Apo ken Mannubbot tayo

Naparsuatay a kalanglangat Dios padapada't bileg intedna  
Amin pinili ti Dios nga agserbi agaywan amin pinarsua  
Makipagbiagtayo ti sangaparsuan tapno kagimongan natalna  
Intay ngad agbiag agdayaw Kenkuana ket iwaragawag imbagna

Nasantuan sasao iti Apo mangidalan biag inaldaw  
Manglawag pammati ken panagbiag mangparangrang dalam iti biag  
Pabaroen ti Dios biag dagiti namati, pagarian toy lubong Makita  
Naruay a taraon ken pigsas adda Dios intedna wayawaya

Balligi' linakam tay ken Cristo nangungar, nagbiag kadatayo  
Ket umongennatayto ti Apo diay pagarian napnot rag-o  
Biag nga agnanayon, ragsak ti itedna Na kadagiti namati Kenkuana  
Ti dayag ti Dios pabaroentayo diay pagarian agbiagtayo.

**\*\*INBOKASYON:** Elder

**AYAB TI PANAGBABAWI KEN PANAGPAKAWAN:**

**Prov. 28: 13**

**Pangulo:** "Pulos a dika agballigi no padasem nga ilemmeng dagiti basolmo. Ipudnom ida ken agbabawika, ket kaasiaankanto ti Dios"

Kanito na ngarud kakabsat nga umasideg tayo iti Dios para iti kabukbukodan tayo a panagkararag kas dawaten tayo ti pammakawanna kadagiti nagkurangan tayo. { *naulimek a panagkararag* }.

**Balikas a Pammatalged ti Pammakawan: Pastor Himno Pammatalged:**

**"Kastoyak man napnot' babak"**

Kastoyak man alawennak, Biddutko pakawanennak,

Ti karim pangnamnamaak, Kordero ti Dios, adtoyak.

**PANNAKAYALLATIW TI KAPPIA:**

*(Iyallatiw tayo ti kappia ken talna babaen iti panangkanta ti Umisemka...)*

**KABLAAW/PAKARAGSAKAN/PAIKARARAGAN KARARAG DAGITI TATTAO:**

*Wen sika ti sapsapulek, Jesus nga ay-ayatek bendisyon mot urayek sikat ayek..."*

**\*\*\*PAMMATALGED TI PAMMATI:**

STATEMENT OF FAITH/PAKDAAR TI PAMMATI MAMATIKAMI

Iti maymaysa a Dios: Mamarsua, Mangisalakan, ken Mamagbiag nga isut mangted urnos, panggep ken kaipapanan ken kinaan-anay dagiti isuamin a nakaparsuaan.

Timmao ti Dios babaen ken Jesu Kristo a nayanak ken Maria ken isut' Apo ti biag ken nakaparsuaan.

Adda ti Dios ditoy lubong babaen iti Espiritu Santo a mangpababileg ken mangidaldalan kadagiti namati tapno maawatan ken maibiagdada koma ti pammatida ken Jesu-Kristo MAMATIKAMI

Nga pinarsua ti Dios dagiti tattao a kaladladawanna ken naitudingda nga agbiag kas maysa a komunidad a kaduada ti Dios, dagiti padada a tao ken iti isuamin a nakaparsuaan.

Gapu't panaglabsingda, nagbalinda a managbasol ngem gapu't gracia babaen iti pammati, naisalakanda ken Jesu-Kristo.

Agsipud ta naipakomit kadakuada dagiti pinarsua ti Dios, naayabannda ngarud a makiraman iti pannakaibangon ti maysa a kagimongan a nalinteg ken naasi.

MAMATIKAMI

Nga ti Iglesia ket isut maymaysa a bagi ni Cristo, ti sibubukel a komunidad dagiti tattao a naikappia iti Dios babaen ken Jesu-Cristo ken naikomit kadakuada ti nadiosan a ministerio.

MAMATIKAMI

Nga ti Nasantuan a Biblia ket maysa a napudno ken

nainspiraran a saksi iti panangipakita ti Dios ti kinasiasonna babaen ken Jesu-Cristo ken babaen iti pakasaritaan, tapno malawlawagan, maidaln, maator ken maitag-ay koma dagiti namati iti pammatida ken iti inda panagsaksi.  
MAMATIKAMI

Nga ti Dios agtratrabaho tapno pagbalinenna ti tunggal maysa a baro a parsua ken Cristo ken ti sangalubongan a pagarianna, nga sadiay agari iti ayat, kinalinteg ken talna. Ti pagarian ti Dios ket adda iti sadinoman a pakaibingayan ti pammati ken Jesu-Kristo, iti sadinoman a pakaagasan dagiti masaksakit, iti sadinoman a pakataranonan dagiti mabisinan, iti sadinoman a pakalawagan dagiti bulsek ken sadino man a pakawayawayaan dagiti balud ken mairurumen  
MAMATIKAMI

Nga iti panangungar ni Jesu-Cristo napagballigian ti bileg ni patay ket daytoy mangted namnama ti biag kalapasan ti ipapatay. Sikikitakami ngarud, iti iyaaynanto manen a napnoan kinaan-anay, tapno pabaruenna ti amin a nakaparsuaan ket pagmaymaysaenna dagiti amin a namati iti babaen ti panagari ti Dios. Amen

**Koro:** Datay ngarud ket UCCP, Isuronat adal ti Apo, nga agbiag kas agkakabsat ken annak ti Dios  
Addan ti biag uray ken patay, awan metten saem ken upay  
Kinalinteg, talna, ken ayat baro a lubong /UCCP!

**\*\*PANAKAIBASA TI NASANTUAN A SURAT:**

**ABABA A PAKASARITAAN TI UCCP**

**MENSAHE TI KANTA:**

**MENSAHE TI BIAG:**

**PANANGIDATON KEN PAGYAMAN ITI MAIKA-68 A TAWEN:**

**Chairman: (Seedlings)** Ti patubo ket simbolo ti ayat, pammati ken namnama. Masapul a mataraken a naimbag tapno agbalin a kayo. Daytoy a patubo isimbolona ti ayat tapno mapadakkeltayo tapno agbalintayo a manakem nga annak ti Dios.

**CYF President: (Prutas ken natnateng)** Dagitoy a natnateng ken prutas isimbolona ti kinaimbag ti Dios. Lallaki ken babbai, agtutubo ken ub-ubbing adu dagiti kakabsattayo a makidangdangadang gapu iti daga tapno masagrap dagiti bunga ti daga. Makipagmaymaysatayo ngarud kadakuada tapno datay amin masagrap ti kinaimbag ken kinamagparabur ti Apo.

**Amin:** *Hallelu Hallelu Halleluya Praise ye the Lord  
Praise ye the Lord Halleluya (3X) Praise ye the Lord!*

**PANNAKADATON DAGITI SAGUT:**

**Pangulo:** Pudno a ti Dios ket naimbag, saan tayo a matukod! Ita, ipaneknektayo ti intay panagyaman kas panangbibig kadagiti amin a paraburna babaen iti intay panangidatag kadagiti bunga dagiti nagbannugantayo.

**Gimong:** Wen, Ited tayo dagiti sagsagut tayo iti Apo nga addaan ti panagyaman ken ragsak kadagiti pusotayo.

**KANTA TI PANANGIDATON:** "Give Thanks"

**\*\*DOKSOLOHIYA**

**\*\*KARARAG TI PANANGIDATON:** Elder

**TI NASANTUAN A LAMISAAN TI APO  
CHURCH BULLETIN**

**KANTA TI SELEBRASION:** "Datayo ket UCCP"

Matatitayo iti Dios Mamarsua, Mannubbot, Mangaywan ti tunggal maysa. Ken Cristo nagbalin a tao. Katurayan nga Apo. Espiritu Santo Mangidalan.

**Koro:** Datay ngarud ket UCCP isuronat adal ti Apo  
Nga agbiag kas agkakabsat ken annak ti Dios.  
Addan ti biag uray ken patay awan metten saem ken upay  
Kinalinteg talna ken ayat baro a lubong / UCCP!

Addan ti Pagarian ti Dios no ikasabam ni Jesus  
Agasam dagiti masakit, Pakanem dagiti mabisin  
Wayam dagiti bulsek Wayam balud ken mairurumen.

**Koro.**

**KARARAG PANAGYAMAN KEN PAMENDISION:**

**Sungbat:** Datay ngarud ket UCCP isuronat adal ti Apo  
Nga agbiag kas agkakabsat ken annak ti Dios.  
Addan ti biag uray ken patay awan metten saem  
ken upay Kinalinteg talna ken ayat UCCP!

*Enter to Worship...We depart to Serve*



UNITED CHURCH OF CHRIST IN THE PHILIPPINES  
877 EPIFANIO DE LOS SANTOS AVE. WEST TRIANGLE  
QUEZON CITY  
TEL. NO (02) 426 1729 WEB: uccpchurch@yahoo.com

**INNEM A PULO KET WALO A TAWEN:  
RAMBANKANTAYO A SANGSANGKAMAYSA**



**"68<sup>TH</sup> A TAWEN TI UCCP"**

**TEMA TI PANAGRABAK:  
"NAESPIRITUAN A PANAGBIAG PARA ITI  
BARO A KINATAO"**